

楚天樵話

楚 天 樵 話

上海古籍書店複印
一冊定價二元六角

楚之

天

樵

話

二

卷

光緒壬辰
漢川甌山
書院藏板

原序

說詩始於孟子論小弁凱風雲漢諸章後遂做成詩話一體著名者有唐音癸籤全唐詩話宋詩紀事五代詩話等編迄今詩話尤夥雖持論不一而詠古懷人均足增藝苑之英華啟來學之穎悟鉞先世富藏書惜粵逆倡亂盡化秦灰往來江漢嘗覓專話吾楚之詩者曾不多覲自知學疏識淺未敢率爾操觚殆有志焉者久矣往歲與役邑乘得鄉前輩張竹樵所著楚天樵話展閱數過實獲我心先生幼穎異勤學書過目十行下好訂證古今人物於楚中文獻尤畱心考輯焉吾楚故騷雅之邦屈宋遺風追之者眾領

異標新名作疊出先生說詩識既超越語無膠滯論
事賦物如牧笛樵唱自話天機匪特措辭雅馴無一
點塵氛已也但傳寫失真文有增減字多訛謬讀者
憾之鉞不揣固陋細加校訂付之手民以廣其傳云
同治十二年癸酉閏六月林以鉞威於氏譔於龍出
下之校士館

題辭

黃岡殷雯東坪

高樓白雪無人問水上蒼龍望淼茫亦有技鳴樊路
徧不如樵話楚天長豆屏草閣聽秋雨畫舫金湖弔
夕陽別引狂生三斗淚杜陵青眼一紅粧豆屏金湖皆用作者詩意所題吾邑茶邨先生燈船歌後斷句數首讀之尤爲感涕

沔陽王家鳳儀九

屈宋風騷蘭芷香傳心一瓣寄襄陽遺芬豈必竟消

歇空谷無人徒自芳

楚人淡於求名同儕以標榜爲恥亦不喜表章先哲詩文鮮采

行者操選家無從摻輯千百年來沈埋者多矣有心人幸留意焉

一自鍾譚受謗嗤人疑湘鄂總無詩風流誰信今猶

在賴有樵夫唱楚辭

追蹤池北軼隨園剪紙爲招吟客魂把卷精神畱筆底三湘七澤半荒墳

詞人如夢去茫茫斷壁零圭劇可傷讀向清秋深院裏陽春一曲楚天長

復州分野一星孤謫落人閒住白湖應是腰纏不

到至今波底有遺珠

吾沔詩人明首童承敘士疇國朝首劉揆文白卷中錄一費

詩而不及童劉童集經明季兵燹或鮮傳本劉則時

代相近不審何亦遺之文白詩文集曰玩草園又有

玩草園筆記三十種及蟄菴時文今楚督南皮張公

前在湖北學政任內文白元孫圻顯曾手鈔一種以

獻公爲序刻其時文序中於六種逐加評論推許並

至而云時方治裝受代勢已不及乃先其卷帙之簡

者又云吾願募湖北鄉邦後進倘有能爲先生采

其著述者原稟未蒙發還不知尙存今節署否

近古文詞富汴川陳編都付梓人傳吾州亦有殘遺

橐對此含毫意邈然

家鳳曾欲勸采鄉先達著述未逮也光緒壬辰漢川劉聘之廣

文釀金刻其同邑先賢書曰清風易注清風集六是堂集竝承惠贈最後以此卷樣本屬校諉有志之竟成愧相形而見絀有觸於中率成六絕家鳳非能詩者拙固其素也聊攄鄙凡而已

沔陽

黃

福翼生

楚音雖楚有夏聲配雅以南無古今屈宋幽豔發蘭
茝杜孟高抗振雲林公安竟陵最後起優孟衣冠銷
痼沈渚宮遺事疇能說千載立珠摻江淨零壁賸錦
皆爲寶何待淘沙方見金劉侯口銜丹邱鳳舊譜鴛
鴦翻新鍼鄉賢陳編操風土時探巖瀑鳴古琴重棊
一卷手示我山中樵話清人心我時羽服南樓下水

調高歌未成音欲遮樵逕續楚些羚羊挂角何處尋

黃陂

金永森 和生

茶陵不作明卿逝旗鼓誰張大楚軍閒對青山思往事譚龍說劍總紛紛

化治文風接盛唐邊徐何李競登場竟陵枉擅生花筆卻讓黃門嗣晚香

尙書老悖

至尊譏過眼空教五色迷畢竟千秋公論在陽春不

廢郢中詞

別裁集去取失當可議處甚多不獨尊吳屈楚有門戶之見也常謂人曰遂使曹劉

短氣屈宋沈冤異日定當平反此獄

甌出一髮青如畫雨後尋詩便隱淪我有一瓢兼一

笠他年此處訪樵人

江夏田服蘭采言

說詩有滄浪千秋巨眼獨繼者王新城風雅標正鵠
自餘禍棗梨高閣均一束咄哉袁趙徒倭僞飾眉目
生自售淫哇死不悟酖毒遂令舉國狂者之過龍肉
楚騷接葩經吮蘭扇芬馥津逮及

國朝揚波競奔逐卓彼談蓺家少小好奇服哲匠手
斧柯足音響空谷尙餘樵話存從風散珠玉麾金得


高賢傳聲警孽俗吾友殷

東坪

與楊致

玉笥騁高躅鄉

邦富文翰有暇待甄錄得此譬鼎珍一嚮嘗已足悠
然動遐心緬邈漢江曲



重棨助貲姓氏

李策清

采冊

秦本提

玉屏

劉定弼

霖臣

張春標

則之

李永棟

堯臣

李允

澄軒

林以鉞

威於

林以鐸

徇于

喻廷澍

錫五

盧正珩

玉田

張文山

雲卿

盧祖斌

璘甫

艾光明

心齋

鄭廷蘭

善之

陳廷傑

李子霖

崑泉

陳宗錦

繡亭

李萬欽

敬圃

李玉藻

寅暄

陳遠堃

精一

陳遠型

典卿

劉象恩

滋生

胡向暄

瑤階

熊蔭芳

桂軒

周宗槐

植三

魏良元

佑臣

魏嗣瀚

星榆

陳鴻文

漸于

魏良猷

雨亭

魏詩彥

榮田

胡向昭 厚菴

魏繼勳 治廷

張春瑤
祁炳南

楚天樵話二卷邑人張竹樵先生箸先生博洽淵雅名噪藝林者數十年所著詩古文辭及考

訂經史諸書歿之日其父勸其才命不偶取投之火遣有樵唱軒集竹樵詩集詠史詩楚詩選

劍俠吟楚天樵話烈所見者劍俠吟


天門熊徵君士鵬刻

入荆湖知舊鈔中

及此而已此書向祇寫本同邑林丈

威於始刻於同治十二年癸酉板藏其家朋儕欲考楚中文獻者無從得見輒丐烈索取卒卒未有以應光緒十八年壬辰夏烈與伯兄劍芝及秦香谷先生偕邑人士刻魏清風處士易注

竣爰覓林所采本與同邑許君潤卿沔陽王君
儀九詳加讎校重采以貽同好卷數一仍林舊
惟下卷論石城事略有刪節識者鑒之聘之劉
洪烈謹識



楚天樵話卷上

漢川張清標竹樵箸

孟浩然吟詩眉毫盡脫極意雕鏤乃爾及披其集讀之清空靈澹似不以人力勝者乃知其一氣清渾中鍊格鍊意煞費幾許鉗錘今世學者無浩然才情並無經營慘淡之功徒以空淺一派似之匪失之率卽失之俗矣何異齊人華遊者鞭馬而東馳也

古今武士能詩者如沈慶之曹景宗岳武穆戚南塘不可及也外此則推麻城邱長孺坦攸縣劉長六葵長孺以書生射策兵備遼左涖任九日卽奏六洲河之捷晚乃卜居秦淮詩酒自娛葵身長六尺因號長